

EDISI 2023

Buletin FKA

Pengajian Kejuruteraan Awam

Universiti Teknologi MARA Cawangan Pulau Pinang



UNIVERSITI
TEKNOLOGI
MARA

eISSN 2716-6325



9 772716 632004

Diterbitkan pada 15 Oktober 2024

Program Derma Darah UiTM - JKSB 2023

Daliah Hasan dan Dr Mohd Samsudin Abdul Hamid

Pada 24 Jun 2023 yang lalu, UiTM Cawangan Pulau Pinang, Jambatan Kedua Sdn Bhd dengan Kerjasama Hospital Seberang Jaya Pulau Pinang telah menganjurkan satu kempen menderma darah bagi membantu pihak hospital mendapatkan lebih ramai penderma. Program ini telah dilaksanakan di AEON Bukit Mertajam Pulau Pinang. Program ini merupakan satu program kolaborasi bersama di antara pihak UiTM Cawangan Pulau Pinang, Jambatan Kedua Sdn Bhd dan masyarakat setempat sekitar UiTM Cawangan Pulau Pinang. Program ini menyasarkan sebanyak 100 penyertaan daripada masyarakat termasuk warga UiTM Cawangan Pulau Pinang. Program ini juga merupakan salah satu program yang dijalankan bagi mencapai beberapa 'Performance Indicator' dalam perancangan strategik Universiti Teknologi MARA 2025 yang melibatkan aktiviti bersama syarikat di bawah MoU, program tanggungjawab sosial university (USR), nilai media dan 'Knowledge Transfer Program' (KTP). Oleh yang demikian, program ini telah memberikan impak yang besar kepada UiTM Cawangan Pulau Pinang dalam meletakkan kampus sebagai sumber ilmu dan sosial kepada industri dan masyarakat.

Kempen ini juga diadakan untuk memberi pendedahan dan peluang kepada warga penduduk tempatan untuk menimba pengalaman dan pengetahuan mengenai kebaikan dalam menderma darah. Matlamat kempen menderma darah ini adalah untuk memupuk kesedaran di kalangan masyarakat tentang kepentingan menderma darah dan juga untuk meningkatkan jumlah penderma dan juga bekalan darah dalam tabung

darah Hospital Seberang Jaya supaya dapat digunakan dalam masa kecemasan. Selain daripada itu, pihak pengajur juga telah mengadakan “Knowledge Transfer Program” dengan mengadakan satu ceramah yang disampaikan oleh pensyarah kanan Fakulti Sains Kesihatan Ts. Dr. Nor Raihan Mohamad Shabani yang bertajuk “Derma Darah: Siapa dan Mengapa?”.

Program Derma Darah UiTM – JKSB 2023 ini berjaya dilaksanakan serta dapat meningkatkan kerjasama UiTM dengan pihak industri dalam memberikan contoh yang baik kepada masyarakat untuk berkongsi sesama manusia dalam meningkatkan nilai kebersamaan dalam sebuah masyarakat.

Selain itu, program ini juga memberikan impak positif kepada pihak UiTM dan JKSB dalam meningkatkan nilai komersial kedua-dua organisasi kepada masyarakat setempat. Secara keseluruhannya, kempen ini telah dapat dilaksanakan dengan lancar dan berkesan. Objektif yang ingin dicapai dalam penganjuran kempen menderma darah ini juga dapat dicapai dengan kerjasama yang diberikan oleh AJK Pelaksana dan para penderma darah.



Ceramah Kesihatan Ts. Dr. Nor Raihan Mohamad Shabani (Fakulti Sains Kesihatan)



Para Penderma sedang Menderma Darah dan Dibantu oleh Para Doktor dari Hospital Seberang Jaya